

# KLEIER MA FAROUZ

WAR DON : *Merc' hed Kerne.*

*Lento.*

En Ker-ne zo mer - - c'ched  
fi - lo - - ret - - ta, fi - lo - - ret - - te.  
En ker-ne zo mer - c'ched Fleu-ren-nou  
c'he - - - ned.

Ma farouz, en de-man,  
Sonet kleier, kanet seder,  
Ma farouz, en de-man,  
'Zo 'barz ar joa vrasan.

Hirie 'zo badeet,  
Sonet kleier, kanet seder,  
Hirie 'zo badeet  
Pevar gloc'h kaer meurbed.

Pevar gloc'h skler o mouez,  
Sonet kleier, kanet seder,  
Pevar gloc'h skler o mouez,  
'Vel mouez skanv an elez.

Skeltr, nerzus ha ken flour,  
Sonet kleier, kanet seder,  
Skeltr, nerzus ha ken flour,  
Ha kân an telennour.

Sevel 'ra d'an nenvou,  
Sonet kleier, kanet seder,  
Sevel 'ra d'an nenvou  
Mouez leun a gantikou.

Mez, dreist-holl, ec'h e dous,  
Sonet kleier, kanet seder,  
Mez, dreist-holl ec'h e dous,  
Evit tud ar barouz.

Skany ha laouen pa ve,  
Sonet kleier, kanet seder,  
Skany ha laouen pa ve  
Levenez 'n o ene.

Trist ha melkoniet,  
Sonet kleier, kanet seder,  
Trist ha melkoniet,  
Pa vènt ankeniet.

Laret a ra dre-holl,  
Sonet kleier, kanet seder,  
Laret a ra dre-holl :  
— « Dilez t ar bed dirol ;

« Deut gant fe da bedi,  
Sonet kleier, kanet seder,  
Deut gant fe da bedi  
Krouer ar bed 'n e di. »

« Karet ar vered kloz  
Sonet kleier, kanet seder,  
Karet ar vered kloz,  
'Kousk enni ho tud koz ; »

« Tour hoc'h iliz ive,  
Sonet kleier, kanet seder,  
Tour hoc'h iliz ive,  
'N e skeud 'hed ho pue. »

« An ti plouz e vevaz,  
Sonet kleier, kanet seder,  
An ti plouz e vevaz  
Ho tud ennan 'viskoaz. »

« Heuilhet holl o skoueriou,  
Sonet kleier, kanet seder,  
Heuilhet holl o skoueriou,  
Ha miret o giziou. »

Bezet gwir Vretoned,  
Sonet kleier, kanet seder,  
Bezet gwir Vretoned,  
Ha kristenien bepred. »

O ma mignonned ker,  
Sonet kleier, kanet seder,  
O ma mignonned ker,  
Sentomp ouz hon c'hléier.

Ken kaer è d'ar Breton,  
Sonet kleier, kanet seder,  
Ken kaer è d'ar Breton  
Miret ar fé wirion !

Ken dous chom el lec'hiou,  
Sonet kleier, kanet seder,  
Ken dous chom el lec'hiou,  
'Lec'h 'vevaz hon tadou.

Ha klevet, 'n eur vovel,  
Sonet kleier, kanet seder,  
Ha klevet, 'n eur vovel,  
Mouez kunv ouz hon gervel.

Eur vouez tener ha dous,  
Sonet kleier, kanet seder,  
Eur vouez tener ha dous :  
Mouez kleier hon farouz.

LAOUIK.